

pere paulatim incipiunt, tandem frigida non fluunt amplius sed consistunt. Sed vos per vestram prudentiam hæc ipsi jubebitis, aut serio promovebitis. Accedo paucis ad

CAPVT SEXTVM,

Illudque ultimum, quod nobis ex antiquitatis materiâ totum depromptum & haustum ostendet in asia & africa illas quidem quatuor linguas ebræam, chaldæam, syram, arabicam, semper fuisse in usu ab ipso diluyii tempore, aut babilonicæ linguarum confu- sionis & multiplicationis. Quanquam istæ linguæ semper fuerint numero eadem, saltem pronunciatione variarunt, atque id eodem modo, uti germanica & belgica. Et quicquid de iis ex punica, æthiopicæque apud plautum, herodotum aut alios autores reperiri potest, ex his rivulis fluxisse ostendetur. Hispaniæ esse singularem quandam felicitatem hodierno ævo, quæ & muhammedanis ejectis, illâque religione expurgatis regnis suis, linguâ tamen ita ferè illis arabibus mistæ sunt. quod lexicographus aliquis anglus ædito hispanico-anglico lexico demonstrat, & ad finem ejus quatuor millia vocum arabicarum in hispanico idiomate hodieque usitatarum recenset. Habent ingentes ejus populi bibliothecas, ut una marocconi regis ad 8000 voluminum ferè ascenderit. Regiæ opulentia, magnificentiaque opus. Habuerunt eosdem arabes per 800 annos secum. Habent quotidie eosdè è regione. Ex isto loco christianitatis multa fieri possent. Proderimus in quantum græci in asiam & romani in africanam admissi, irruerint, & quoutque linguas commodarint. Ingentem ergo nobis utilitatem dabit linguæ arabicæ celerina, quantâque velocitate fieri potest, in publicum procuratio. Eos autores omnes, quos in præfatione citavi, lumine undique collucente illustrabit. Antiquitas toto romana, græca hinc mutuabit splendorem. Nihil est, quod non salutarem hujus linguæ exortum sentiet, æquè ac solis lumen omnes creaturæ reverenter recipiunt. Sed ut magis, quod res est dicam, ducor ingenti spe mercaturæ orientalis. Sum enim mercatorii ingenii, & qui plus respicio utilitatem ad præsentia futuraque tempora, quàm ad præterita redundaturam. Sunt milleni

Hisp. ling